


中國古典文學基本叢書



中華書局

王惲全集彙校

第四冊

中國古典文學基本叢書

王惲全集彙校

第四冊

〔元〕王惲 著
楊亮 鍾彥飛 點校

中華書局

王惲全集彙校卷第二十五

七言絕句

五年夏四月朔日即事

朝衣絺綌暮綿裘，氣運和天不自由^①。吹損綠陰風不定，晚來庭院似深秋。

【校】

①「和天」，弘治本同元刊明補本；薈要本、四庫本作「天和」。

贈周幹臣

槐府潭潭吏隱周，青衫騎馬亦風流。人門休問生涯事，讀罷離騷待菊秋。

題風雨迴舟圖

江雨江煙萬里秋，幾年汗漫事長遊。憐君已落風波裏，只恐回舟不自由。

題王武子觀馬圖

玉華吹散滿身雲^①，掣電追風八駿奔^②。好尚祇誇毛骨異，不思戎馬在東門。

【校】

①「玉華」，元刊明補本、抄本、薈要本作「玉華」，四庫本作「五花」。

②「八」，元刊明補本、抄本、薈要本作「隱」，據四庫本改。

題李伯時所畫開元御馬圖

閱武驪山是近游，霜蹄蹴踏厭長楸。料應扈從東封了，一片雲煙赤岸秋。^①

【校】

①「雲煙」，抄本同元刊明補本；薈要本、四庫本作「煙雲」。

題山堂會琴圖

靜夜山堂萬籟沉，抱琴來瀉古人心。^①箇中真趣知誰會^②，門外松風是賞音。

聖賢思治先琴事，子賤爲邦舜皐民。莫訝松軒來會數，要從心指起經綸。

【校】

①「瀉」，抄本同元刊明補本；舊要本、四庫本作「泄」，亦可通。

②「箇」，抄本、舊要本同元刊明補本；四庫本作「個」，亦可通。後依此不悉出校記。

寄潞尹侯伯祿

分攜不及都門別，情話長懷五夜燈^①。蘭省未妨虛儉幕，郡人爭喜識黃丞。

太行絕頂潞州城，竹馬兒童遠見迎。聞說下車公事簡，不勞衙鼓報新聲。

【校】

①「五」，抄本同元刊明補本；舊要本、四庫本作「午」，聲近而誤。

題李伯時畫支遁觀馬圖

晉人大概尚虛談，外物遷移等徇貪。千丈風光渠自有，卻將風駿馬中驂^①。

【校】

①「風」，抄本、薈要本同元刊明補本；四庫本作「神」。「驂」，抄本同元刊明補本；薈要本、四庫本作「參」，俗用。

金城店

麻葉翻風稻映畦，道邊垂柳蔭橫溪。一竿青旆誰家酒，金店東頭野釣西。

金城懷古

典午能延邂逅生，柘弓銀研未忘情。較量成濟揮戈慘，天道中還固未平。

絳陽道中

山自南來兩翼開，汾崗橫亘隔金臺^①。
伯宗驅傳無輕去，聽取輿人論絳災。

【校】

①「汾崗」，抄本同元刊明補本；舊要本、四庫本作「分岡」，俗用。

絳州公廨即事

終朝據按訊纍囚^①，日暗風淒動鬼幽。
草暗池荒人不見^②，絳紗燈影看懸流。

河東池館絳園優，才守豪王樂讌遊。
興極事殊俱不見^③，斛王祠畔暮山稠。

挈鷺提鷗次第開，碧圍丹陣鎖重臺^④。
而今一炬成焦土^⑤，卻似阿房爲世哀^⑥。

樊守文章世已驚，富公遺愛遠能名。一泓誰似蒼塘水^⑦，假借羣蛙徹夜鳴。
鼓水西來竇北墉，絳園形勝日增雄。依稀罨畫樓臺影^⑧，猶在瑤翻碧潏中。
水聲激激枕邊來，臥看倡池碧鑑開。三尺短碑樊記在，苦無多意發雄猜。

莽望黃原勢垓天^⑨，驚驂南走削孤巔。東臺何限消沉意，目送汾流落日邊。

【校】

- ①「按」，抄本同元刊明補本；薈要本、四庫本作「案」，亦通。後依此不悉出校記。
- ②「暗」，抄本同元刊明補本；薈要本、四庫本作「黯」，亦通。後依此不悉出校記。
- ③「興極事殊俱不見」，元刊明補本作「興□□□□不見」；薈要本、四庫本闕；據抄本補。
- ④「陣」，抄本同元刊明補本；薈要本、四庫本作「障」，形似而誤。
- ⑤「而今一炬成」，元刊明補本闕；薈要本、四庫本作「可憐一炬成」；據抄本補。
- ⑥「阿房」，元刊明補本、抄本、四庫本作「汙宮」，據薈要本改。

祝融堆廩表韓公，神理雖冥正可通。自愧不求來折獄，亦蒙陰相誘愚衷^⑤。

【校】

①「律」，元刊明補本、抄本作「津」，據薈要本、四庫本改。

②「壁」，元刊明補本、抄本作「璧」，據薈要本、四庫本改。

③「飛搖」，抄本、薈要本同元刊明補本；四庫本作「蜚謠」。「伯」，弘治本、薈要本同元刊明補本；四庫本作「百」，亦可通。

④「坡」，抄本同元刊明補本；薈要本、四庫本作「陂」。

⑤「陰」，抄本、四庫本同元刊明補本；薈要本作「險」。

過絳州北哺饑坂

蓋晉趙宣子飯靈輒處也應有祠屋今廢^①

釣采華名世有人，微勞高擬泰山勲。此心報德誠堪尚，事了身名兩不聞。

血肉鑿牙白晝寒，挾輪來脫趙卿艱。悠悠鶴蓋陰中子，高揖清風恐厚顏。

晉國平時有殍夫，趙宣爲政果何如？
哺饑坂下重回首^②，一飯酬恩寔起予^③。

【校】

- ①「蓋」，抄本同元刊明補本；舊要本、四庫本脫。「應」，抄本同元刊明補本；舊要本、四庫本作「舊」。
②「坂」，抄本同元刊明補本；舊要本、四庫本作「坡」，非。按：坂，亦坡也。作「坡」者，於詩律不諧。
③「起」，元刊明補本、抄本作「豈」，據舊要本、四庫本改。

題夏當務壁

村落人家櫛比稠，平時分水細爲籌。
朝來一雨郊原足，門外長溝滿意流。

龍祠禱雨

巾岸烏紗角半摧^①，馬蹄泥滑晚相催。
郡人莫訝麻衣濕，適自龍祠禱雨迴。

【校】

①「巾」，元刊明補本作「中」，據抄本、薈要本、四庫本改。

禱雨龍祠訪張總判不遇因題其壁

甲第分攜半月餘，遠迴相過得須臾。松陰滿院溪流碧，辜負臨風一捋鬚^①。

【校】

①「辜」，抄本同元刊明補本；薈要本、四庫本作「孤」，亦通。

登白雲樓

百日區區簿領間，白雲樓閣幾憑欄。秋來致有西山爽^①，兩度還容拄笏看。

山沈雲高暑退初，簞文如水葛衣疏^②。邇來郡府無多事，臥對西山把性書。

【校】

①「致」，抄本同元刊明補本，薈要本、四庫本作「政」，形似而誤。

②「文」，抄本同元刊明補本，薈要本、四庫本作「紋」，亦可通。後依此不悉出校記。

贈墨卿秦得真

壯心零落羽林槍，老劑玄圭人退藏。爲報鳳凰池上客^①，不應神品擅潘張。

麝團小印柳枝龍，不減唐人人漆工。留得玉堂揮翰日，桂香欄檻聽松風。聽一作「泛」。

【校】

①「風」，元刊明補本、抄本、四庫本作「池」，涉下而誤；據薈要本改。

秋望

客窗十日雨聲中，雲影朝來綻碧空。不上西樓能幾日，滿城黃葉動西風。

題子猷山陰圖

閉門一雪天地白，乘興即上山陰船。愛煞此君真率意，至今人境兩翛然。

自嘲

踏月聞雞出郡齋，逐朝槌鼓放衙來^①。盤盤三晉河山地，兵賦民情使汝諧。

【校】

①「朝」，元刊明補本闕；據抄本、薈要本、四庫本補。「槌」，抄本、薈要本、四庫本作「搥」，亦可通。

自壽

二年岱頂富奇觀，今歲姑山對霧鬢。笑拂巖華指歸路，黃塵深處是人間。

待旦軒假寐而作

待旦軒虛曙色分，瓦爐煙煖有餘薰。細思日用無多事，一靜能消萬有紛。

題永安刁氏別墅壁

一川百頃數家村，複嶺重崗擁澗垠。^①樹藝自勤民自儉，勸民冠蓋不須頻。^②

南崖刻畫似城闔，北勢耕桑聚落勻。所願廟堂論至理，萬方風俗再還醇。

【校】

①「複」，抄本同元刊明補本；薈要本、四庫本作「瓊」，非。

②「頻」，元刊明補本、弘治本作「翻」，非；薈要本作「傾」；四庫本作「勤」；據抄本改。

聚遠亭

刁氏別墅

壁間題示墨猶新，聚遠軒中人幕賓。還喜晉人風土舊，一村名姓似朱陳。

英武王馬燧廟^①

西平英氣凜如生^②，千古旌忠勒御名^③。過客賦詩增感激，北風原上鼓鼙聲^④。

奔鯨吹浪盪蒲津^⑤，堂上奇兵筭已神。老賊垂降還赴召，比量先軫乃純臣。

【校】

①「英」，抄本、薈要本同元刊明補本，四庫本作「莊」。

②「西」，抄本、薈要本同元刊明補本，四庫本作「北」。

③「旌」，抄本同元刊明補本，薈要本、四庫本作「精」。